



NEDERDUITSE GEREFORMEERDE KERK IN SUID-AFRIKA
Sinode van Wes-Kaapland

SINODALE KANTOOR

De Langestraat 5
BELLVILLE
7530

Privaat sak X8
BELLVILLE
7535

PBO: 9300 13251

T 021 957 7100
E ngkadmin@kaapkerk.co.za
www.kaapkerk.co.za

Verwysing: Salarisomsendbrief 1/2018

27 November 2017

Navrae: Ingrid van Eck – Tel: 021 957 7107 – E-pos: ivaneck@kaapkerk.co.za (Belasting- en betaalstelsel-advies)
Kenny Raats – Tel: 021 957 7104 – E-pos: kraats@kaapkerk.co.za (Menslike Hulpbronne-advies)
Bossie Minnaar – Tel: 021 957 7104 – E-pos: bossie@kaapkerk.co.za (Saakgelastigde)

OMSENDBRIEF AAN PREDIKANTE EN SKRIBAS

Beste kollegas

AANPASSING VAN DIE VERGOEDINGSPAKKET VIR PREDIKANTE VANAF 1 MAART 2018

Die ATFB (Algemene Taakspan Fondse en Bates) en ATP (Algemene Taakspan Predikante Sake) het op 15 November 2017 die vergoedingspakket vir predikante vir 2019 (**2019 = 1 Maart 2018 tot 28 Februarie 2019**) goedgekeur. Die STFA (Sinodale Taakspan vir Finansies en Administrasie) van die NG Kerk in SA (Wes-Kaapland) het hierdie skrywe op 24 November 2017 goedgekeur.

1. BELANGRIKE OORWEGINGS

- 1.1 Die STFA bring die besluit van die ATFB/ATP onder u aandag vir uitvoering deur kerkrade. Alle verhogings tree in werking op **1 Maart 2018** om ooreen te stem met ons finansiële jaar. **Kerkrade en predikante moet asseblief kennis neem van die voorskrifte in Reglemente 13, 14 of 15 oor die hantering van predikante se vergoedingspakket.**
- 1.2 Vir die vorige finansiële jaar (2017) was die gemiddelde verhoging in die gemeentes se inkomste 3,1%. Die inflasiekoers wissel rondom sowat 5,1%. Van Junie tot September 2017 was dit amptelik maandeliks: 5,1%; 4,6%; 4,8% en 5,1%.
- 1.3 **Totale koste van indiensneming**
Aangesien 'n predikant se vergoeding uit die volgende elemente bestaan, is dit 'n gesonde beleid om in die geheel na "Totale Koste van Indiensneming" (TKVI) vir die werkgewer te kyk. Die pakket bestaan gewoonlik uit die volgende:
 - Salaris (Traktement)
 - Bonus
 - Huistoelae / gratis huisvesting
 - Voertuig- en vervoertoelae of voorsiening van 'n voertuig vir amptelike ritte
 - Voorsiening/toelae vir telefoon/selfoon, rekenaar en internettoegang, water en ligte
 - Werkgewersbydrae tot pensioen, groepversekering en medies
- 1.4 **Ander uitgawes ten opsigte van die predikant**
 - Voorsiening vir voortgesette teologiese opleiding / toerusting
 - Werkgewersbydrae tot werkloosheidsversekering en ongevalversekering (statutêre bydraes)
- 1.5 Die volgende faktore is vanjaar deur die ATP, in oorleg met ATFB, in berekening gebring en oorweeg:
 - Veranderinge in die verbruikersprys indeks (VPI) en die algemene arbeidsmark.
 - Voorlegging van die Sinodale Taakspan vir Diensverhoudinge van die NG Kerk in SA.

2. VASSTELLING VAN DIE TRAKTEMENT VIR 2019

- 2.1 Die aanpassing vir die 2019 finansiële jaar (dus vanaf 1 Maart 2018) is **6,5%** op die topkerf. Predikante wat nog nie op die topkerf is nie, kry 'n inflasieaanpassing én skuif met een kerf aan. Nuwe aanstellings begin op Kerf 1 in **Tabel B** – of op 'n hoër kerf soos die Kerkraad mag besluit.

Om die tabel te lees: Vind die **huidige salaris** in **Tabel A**. Die salaris vir die 2019 finansiële jaar is een ry af in **Tabel B**. 'n Predikant op **Kerf 1** in 2018 (Tabel A) skuif na **Kerf 2** in 2019 (Tabel B). As die salaris nou R18 360 (Kerf 6 in Tabel A) was, word dit R20 330 (Kerf 7 in Tabel B). Dit is 'n inflasieaanpassing én 'n kerfverhoging – saam 10,7%). 'n Predikant wat reeds op topskaal R27 800 is (tans Kerf 15 in Tabel A), kry 'n 6,5% aanpassing en is nou op Kerf 15b (R29 610) in Tabel B.

Tabel A – 2018 (01/03/2017-28/02/2018)			Tabel B – 2019 (01/03/2018-28/02/2019)			
KERF	SALARIS PER JAAR (13 x maand)	SALARIS PER MAAND	KERF	SALARIS PER MAAND	SALARIS PER JAAR (13 x maand)	%
1	178 100	13 700	1	14 590	189 670	6,5%
2	184 210	14 170	2	15 140	196 820	10,5%
3	197 860	15 220	3	15 690	203 970	10,7%
4	211 510	16 270	4	16 850	219 050	10,7%
5	225 160	17 320	5	18 010	234 130	10,7%
6	238 680	18 360	6	19 170	249 210	10,7%
7	252 330	19 410	7	20 330	264 290	10,7%
8	265 980	20 460	8	21 490	279 370	10,7%
9	279 630	21 510	9	22 650	294 450	10,7%
10	293 280	22 560	10	23 810	309 530	10,7%
11	306 800	23 600	11	24 970	324 610	10,7%
12	320 450	24 650	12	26 130	339 690	10,7%
13	334 100	25 700	13	27 290	354 770	10,7%
14	347 750	26 750	14	28 450	369 850	10,7%
15	361 400	27 800	15a	29 610	384 930	10,7%
			15b	29 610	384 930	6,5%

- 2.2 Elke predikant se vergoeding word vasgestel en gefinaliseer deur sy/haar eie werkgewer (byvoorbeeld die Kerkraad), en nie deur die ATFB, sinode of die STFA nie. Die doel van die **riglyn** is om eenvormigheid te bevorder binne die oorwegings genoem in punt 1 hierbo.
- 2.3 Die skaal word aan die hand van **voltooide diensjare** toegepas.
- 2.4 In gevalle waar kerkrade finansiël nie in staat is om die aanbevole verhoging te bekostig nie, is die kerwe die basis vir onderhandeling ooreenkomstig Reglement 13, 14 of 15. Die veronderstelling is dat 'n **vermindering** in salaris, of geen verhoging vir 'n jaar nie, slegs oorweeg word as tydelike maatreël in krisisgevalle, en met die inagneming van dienskontrakte en arbeidswetgewing. In so 'n geval moet met die Ring oorleg gepleeg word. **In die meeste gevalle behoort kerkrade soos in die verlede, die riglyne vir aanpassings onveranderd te aanvaar.**
- 2.5 Aangesien gemeentes se omstandighede in terme van grootte, inkomste potensiaal, ensovoorts verskil, kan kerkrade in uitsonderlike gevalle, na deeglike oorlegpleging, oorweging skenk om predikante selfs op die beginsel van verminderde diensvoordele tesame met die gepaardgaande vermindering van diensverpligtinge te vergoed. Die werksure en totale vergoedingspakket word dan dienoooreenkomstig aangepas. Die aanpassing van die diensooreenkoms na dié van Tentmakerbediening geskied ook in oorleg met die Ring.

- 2.6 Indien 'n gemeente se lidmaattal en/of inkomste in so 'n mate daal dat 'n voltydse predikant nie meer bekostig kan word nie, kan die gemeente dit byvoorbeeld oorweeg om steeds 'n predikant in 'n verskraalde/deeltydse pos (byvoorbeeld 50% of 70%) te beroep. Die Tentmaker word dan in dieselfde verhouding tot die omvang van die pos volgens die basis van Totale Koste van Indiensneming (traktement plus byvoordele), vergoed.
- 2.7 Afhangende van die bewoording van 'n bestaande diensooreenkoms tussen die predikant en die Kerkraad, word 'n **diensbonus**, naamlik 'n dertiende tjek aanbeveel. Die bedrag is gelyk aan die maandelikse bedrag soos in die tabel by paragraaf 2.1 hier bo.
- 2.8 Dienskontrakte en beroepsbriewe behoort slegs voorsiening te maak vir jaarlikse aanpassings, wat onderhandel word met inagneming van die ATFB/ATP se riglyne. Indien gemeentes slegs "volgens die sinodale skaal" vergoed, is die verwagting dat 'n leraar jaarliks volgens die volgende kerf vergoed word, totdat die topkerf bereik is.
- 2.9 Indien daar 'n onbillike ooreenkoms of uitvoering van 'n ooreenkoms is, behoort die Ringsfinansiële-kommissie (RFK) daarvoor met die Kerkraad in gesprek te tree.

3. VOERTUIG- EN VERVOERTOELAE

- 3.1 Die voertuig- en vervoertoelae word in twee komponente verdeel, naamlik
- die **vaste koste**, wat waardevermindering op nuwe motorwaarde (BTW ingesluit), rente, omvattende versekering en lisensiegeld insluit;
 - die **lopende koste** wat die prys van brandstof, bande, onderdele, herstelwerk, versienings, smering, was, poleer, ensovoorts, insluit.
- 3.2 Die voertuig- en vervoertoelae is gebaseer op die beleidsbeginsel dat die toelae voorsiening maak vir 'n doelmatige voertuig (sien 3.4.2 hier onder), waarmee ampspligte uitgevoer kan word.
- 3.3 Alle gemeentepredikante behoort die vaste koste-komponent betaal te word. Daar is slegs differensiasie ten opsigte van die lopende koste-komponent. Met hierdie aanbeveling wil die sinode 'n **riglyn** daarstel, wat buigsaam genoeg is om almal te akkommodeer.

3.4 Berekening van die voertuig- en vervoertoelae

- 3.4.1 Die toelae is voorheen gebaseer op die Suid-Afrikaanse Inkomstediens (SAID) se tabel vir die **vorige** jaar, gewoon omdat die tabel vir die volgende jaar nog nie in November beskikbaar is nie. Die ATFB het aanbeveel dat gemeentes die voertuig- en vervoertoelae vir die spesifieke jaar gebruik word [2019 se tabel in 2019].

Value of the vehicle (including VAT) (R)	Fixed cost (R p.a)	Fuel cost (c/km)	Maintenance cost (c/km)
0 - 85 000	28 492	91.2	32.9
85 001 - 170 000	50 924	101.8	41.2
170 001 - 255 000	73 427	110.6	45.4
255 001 - 340 000	93 267	118.9	49.6
340 001 - 425 000	113 179	127.2	58.2
425 001 - 510 000	134 035	146.0	68.4
510 001 - 595 000	154 879	150.9	84.9
exceeding 595 000	154 879	150.9	84.9

- 3.4.2 'n Voertuig in die SAID se prysklas van rondom **R200 000** word as geskik beskou vir die uitvoer van ampspligte. In 2018 was die prysklas tussen R170 001 en R255 000 die riglyn.

- 3.4.3 Die ATFB/ATP beveel aan dat kerkvergaderings, vanaf 1 Maart 2018, die SAID se tabel vir die betrokke finansiële jaar (dus 2019) gebruik. Dit beteken dat die voertuig- en vervoertoelae 'n eenmalige regstelling sal bevat. Dié tabel word egter eers in Februarie 2018 gepubliseer.
- 3.4.4 Die ATP onderneem om die korrekte tabel so spoedig moontlik na publikasie (laat in Februarie 2018) aan kerkvergaderings deur te gee. Dit word egter ook wyd in nuusblaaie en op die SAID se webblad gepubliseer. Vir begrotingsdoeleindes kan kerkvergaderings werk met vanjaar se tabel (2018 – sien vorige bladsy of hier onder) en 7,5% byvoeg (voertuig- en vervoerkoste styg met meer as die gemiddelde inflasie). Werknemers moet egter in gedagte hou dat die werklike voertuig- en vervoertoelae verhoging deur die SAID bepaal sal word.
- 3.4.5 Aangesien 'n byvoordeel, soos voertuig- en vervoertoelae, nie eensydig verander of verlaag behoort te word nie, het die STFA (Sinodale Taakspan vir Finansies en Administrasie van die Wes-Kaap) verlede jaar besluit om die lopende reiskoste vir 2018 (1 Maart 2017 tot 28 Februarie 2018) onveranderd op 150,1 sent per kilometer te hou. Wes-Kaap gemeentes se voertuig- en vervoertoelae was dus tans R7 975 in plaas van R7 861 (soos die ATP) aanbeveel het.

Aantal	Vastekoste	R1,501 / km	Totaal	Maandeliks
18 000 km	68 684	27 018	95 702	7 975

- 3.4.6 Die STFA beveel aan dat gemeentes die SAID se tabel vir die betrokke jaar gebruik. Begroot dus voorlopig en finaliseer die pakket finaal teen die einde van Februarie 2018. 'n Diensooreenkoms moet dus bloot te vermeld dat die voertuig- en vervoertoelae volgens die SAID se tabel sal wees vir 'n Kategorie 3 voertuig (ongeveer R200 000).

	2017 (01/03/2016- 28/02/2017)	2018 (01/03/2017- 28/02/2018)	SKATTING VIR 2019 (01/03/2018- 28/02/2019)
Waarde van voertuig: tussen	160 000 en 240 000	170 000 en 255 000	180 000 en 270 000
Brandstofkoste (in sent)	100,0	110,6	121,7
Onderhoudskoste (in sent)	42,5	45,4	49,9
Loopkoste per kilometer (in sent)	142,50	156,00	171,60
Loopkoste op 18 000 km (in Rand)	25 650	28 080	30 888
Jaarlikse vaste koste betaalbaar	68 684	73 427	78 200
Motortoelaag op 18 000 km	94 334	101 507	109 088
Motortoelaag per maand	7 861	8 459	9 091

- 3.4.7 Die voertuig- en vervoertoelae is veronderstel om die predikant te vergoed vir werklike amptelike kilometers gereis. Sou die voertuig- en vervoertoelae te hoog raak vir die gemeente se omstandighede, sou die gemeente, predikant(e) en ring dit kon oorweeg om die 18 000 kilometer byvoorbeeld na 14 000 kilometer te verlaag.

Loopkoste op 14 000 km (in Rand)			24 024
Jaarlikse vaste koste betaalbaar			78 200
Motortoelaag op 14 000 km			102 224
Motortoelaag per maand			8 519

- 3.4.8 Indien die onsekerheid oor die voertuig- en vervoertoelae vir die gemeente 'n groot probleem is, staan dit uiteraard die gemeente vry om met die predikant(e) ooreen te kom om vanjaar (die 2018 finansiële jaar) se tabel te gebruik.

3.5 Bepaling van die aantal kilometers

- 3.5.1 Die voertuig- en vervoertoelae is veronderstel om die predikant te vergoed vir werklike amptelike kilometers gereis. Kerkrade behoort jaarliks te oorweeg (met die predikant se inset) of die ooreengekome kilometers tred hou met die werklike omstandighede van die gemeente.
- 3.5.2. Die gemeente sou selfs kon oorweeg (in oorleg met die predikant en die Ring) om slegs die vaste koste maandeliks te betaal. Die predikant eis dan maandeliks (op voorlegging van die logboek) per kilometer vir die brandstof en onderhoudskoste (soos in die SAID se tabel).
- 3.5.3 Kerkrade wat van mening is dat hulle predikant(e) minder of meer as die gemiddelde 18 000 km per jaar ry, kan die volgende prosedure volg:
- (a) Die Finansiële Kommissie/Diensverhoudingskommissie en die predikant(e) onderhandel oor 'n billike gemiddelde aantal kilometers, wat vir die gemeente sal geld. Belangrike dokumente in hierdie gesprek, is die predikant se logboek en/of sy/haar inkomstebelasting opgawe van die vorige jaar.
 - (b) Indien die Kerkraad en die predikant(e) nie 'n ooreenkoms kan bereik nie, word die hulp van die Finansiële Kommissie van die Ring ingeroep. Dié Kommissie se besluit sal sover moontlik eerbiedig word.
- 3.6 Kerkrade (in oorleg met die predikant) kan ook oorweeg om geen voertuig- en vervoertoelae te betaal nie. Die predikant kan egter eis teen die SAID te voorgeskrewe tarief (tans R3,55) per kilometer. Die voordeel is dat hierdie bedrag belastingvry betaal word en nie deel vorm van die predikant se aanslag nie – mits dit onder kode 3703 aangetoon word. Raadpleeg asseblief 'n belastingkundige of die SAID se webwerf in dié verband.
- 3.7 Die STFA beveel as riglyn aan dat kerkrade in die “**verre**” platteland (soos die Karoo en Namakwaland) waar leraars groot afstande oor (slegte?) **grondpaaie** moet ry en waar brandstof- en instandhoudingskoste normaalweg duurder is as in die stede, die aanbevole lopende koste vir 2019 onveranderd op 200 sent (R2,00) per kilometer bly.

4. REISKOSTE – VERGADERINGS

- 4.1 Die ATP/ATFB en die STFA (Wes-Kaapland) het besluit dat die reistoelaag vir die bywoon van vergaderings van die Ring en Sinode en hulle taakspanne in die Wes-Kaap vir 2019 onveranderd bly op **R2,50** per kilometer vir ontvangers van 'n voertuig- en vervoertoelae. Dit immers steeds heelwat meer as die werklike koste soos in die SAID se tabel.
- 4.2 Persone wat nie self die vaste koste komponent ontvang nie, ontvang steeds **R3,00** per kilometer vir vergaderings van die Ring, Sinode en Kommissies van die Ring en Sinode.

4.3 Inkomstebelasting op addisionele reiskoste

- 4.3.1 Waar die eiser 'n vaste toelae ontvang, asook reiskoste per kilometer **van dieselfde werkgewer**, geld die volgende:

- 4.3.2 **80%** van en enige addisionele reiskoste-eis word tans bygetel by belasbare inkomste vir die berekening van LBS en die volle bedrag van die eis as reiskoste getoon op die IRP5. Indien die persentasie in die Begrotingstoespraak opwaarts aangepas word moet die belastingberekening dienooreenkomstig aangepas word.
- 4.3.3 In gevalle waar reiskoste vergoed word deur 'n instansie anders as wat die gewone toelaag gee, hoef LBS nie afgetrek te word nie, indien die vergoeding minder is as die voorgeskrewe tarief per kilometer van die SAID, wat tans (2018) R3,55 per kilometer beloop.
- 4.3.4 Onthou om die ritboek by te hou met die oog op die SAID.

5. MEDIESE PREMIESUBSIDIE

- 5.1 Die werkgewer aanvaar gewoonlik verantwoordelikheid vir 50% van die lid se premie aan die aanbevole mediese fonds. [Die STFA se riglyn, vir werkgewerbydrae vir predikante is 50% van die **Essensiële Spaarder Plan**.]
- 5.2 Sien asseblief die Mediese omsendbrief, soos reeds aan die lede en die gemeentes versend en soos dit ook op die webblad verskyn: <http://kaapkerkadmin.co.za/Kerkkantoor>

6. ANDER TOELAES

- 6.1 Daar kan steeds oorweeg word om onthaal-, rekenaar-, boeke-, telefoon- en dergelike toelaes, wat betaal is om ander amptelike uitgawes te bestry, te vervang deur 'n stelsel waar amptelike uitgawes òf per faktuur deur die werknemer van die werkgewer teruggeëis word, òf direk deur die werkgewer vereffen word.
- 6.2 Die STFA vra dat kerkrade vir hulle predikant(e) 'n toelae beskikbaar stel om die koste vir internet toegang te dra of deur te sorg dat die pastorie / studeerkamer internet toegang het.

7. BELASTING

- 7.1 Die uitgangspunt met strukturering van vergoeding is dat voordele wat aangebied word, op die mees doeltreffende manier gestruktureer word vir belastingbesparing. Hierdie beginsel staan bekend as **belastingvermyding** en moet onderskei word van **belastingontduiking**. Laasgenoemde is onwettig.
- 7.2 Die strukturering van die pakket word ooreengekom tussen die werkgewer en werknemer, en **moet gedoen word wanneer op die jaarlikse vergoeding ooreengekom word**. Tussentydse verandering aan die pakket laat die risiko dat dit deur die SAID gesien kan word as 'n skema om belasting te ontduik. Die SAID laat so min as moontlik geleentheid toe vir 'n salaristrekker om belasting te vermy.
- 7.3 Reglement 13: 6 (Kerkorde van 2015 van die NG Kerk in SA) hanteer die vergoeding van predikante. Reglement 13: 6.1.2.1 vereis dat BEIDE partye (werkgewer én werknemer) moet instem tot 'n afwyking van diensvoordele. Reglement 13: 6.1.2.3 vereis ook die betrokkenheid van die Ring.
- 7.4 Die volgende voorbeelde is moontlikhede waar 'n kontant toelaag met vakmangereedskap vervang kan word. Dit kan moontlik vir die werkgewer goedkoper wees én die werknemer kan moontlik minder belasting betaal.
- (a) **Behuising**. Die waarde van gratis huisvesting word belas teen 'n koers en formule soos van tyd tot tyd deur die SAID vasgestel, wat meer voordelig is as die betaling van 'n kontant toelae vir die huur of koop van vergelykbare behuising. Die pastorie en studeerkamer word as die vakmangereedskap van die leraar gesien en kan soos enige werknemer se kantoor deur die werkgewer versorg word, sonder 'n belastingimplikasie vir die werknemer.

(b) 'n **Gemeentevoertuig** vir amptelike ritte in plaas van 'n voertuig- en vervoertoelae. Hierdie voorbeeld moet met groot omsigtigheid benader word. 'n Voertuig- en vervoertoelae is deel van 'n predikant se ooreengekome pakket (sien 1.3 hier bo). Sou die werkgewer hiervan wou afwyk, moet 'n nuwe diensooreenkoms met die werknemer – in oorleg met die Ring – beding word.

'n “Maatskappyvoertuig” is nie 'n vreemde beginsel nie. Dit is net uiters belangrik dat beide werkgewer en werknemer groot duidelikheid moet hê oor watter ritte privaat is en watter ritte amptelik is. Reëlins (betaling) vir privaatgebruik van die amptelike voertuig moet duidelik en markverwant wees ten einde belastingprobleme te verhoed.

Met 'n pastorie (wat die predikant se werkplek is) kan die gemeente se voertuig as 'n “poel” voertuig beskou word – mits ander werknemers ook met die voertuig mag ry. Dit het dan geen belastingimplikasie vir die predikant nie – net soos die skoolhoof nie belasting betaal op die ritte met die skool se bussie nie.

(c) **Vakmangereedskap** (“*tools of the trade*”). Aangesien geen ander toelae enige belastingverligting inhou nie, is dit belasting voordelig vir die werknemer om, in onderhandeling met die werkgewer, die nodige vakmangereedskap wat hy of sy nodig het vir die uitvoering van sy/haar taak in die gemeente, deur die werkgewer te laat voorsien. Dit kan items soos 'n selfoon, rekenaar en selfs vakkundige boeke en teologiese tydskrifte wees. Geen belasting is betaalbaar op vakmangereedskap wat uitsluitlik vir ampsdoeleindes gebruik word nie. Vakmangereedskap bly die eiendom van die gemeente. Vakmangereedskap kan wel aan die einde van die bruikbare lewe daarvan aan die werknemer verkoop word teen reswaarde.

Die **ondersteuning van 'n belastingkundige is uiters belangrik** om die proses korrek te ondersoek, te implementeer en te administreer. Skakel gerus met die sinodale kantoor (Kenny Raats / Bossie Minnaar) vir meer agtergrond oor “vakmangereedskap”.

8. WERKLOOSHEIDSVERSEKERING

- 8.1 Volgens wetgewing wat op 1 April 2002 in werking getree het, moet alle predikante (soos alle ander amptenare) werkloosheidsversekering betaal.
- 8.2 Sowel die werkgewer, as die werknemer, betaal elk maandeliks 1% van die bruto besoldiging as werkloosheidsversekering aan die SAID. Die bydrae word beperk tot 'n maksimum van R148,72 vir die werkgewer en die werknemer per maand (dus R297,44 per maand in totaal). Die maksimum salaris (vir WVF) is dus R178 464,00 per jaar (R14 872,00 per maand).
- 8.3 Bruto besoldiging word bepaal, soos vir die berekening van LBS voor die aftrekking van toelaatbare bydraes vir aftreefondse en mediesefonds bydraes.
- 8.4 Werkgewers is verplig om binne sewe dae na die einde van 'n maand enige verandering in die verdienste van werknemers, sowel as nuwe aanstellings of diensbeëindigings wat plaasgevind het, aan die Werkloosheidsversekeringskommissaris deur te gee.

9. ONGEVALLEVERSEKERING

- 9.1 Enige personeellid, wat in diens van die gemeente (werkgewer) is, moet by die Kommissaris vir Beroepsbeserings en -siektes verseker word.
- 9.2 Sommige kantore van die Kommissaris oordeel dat die diensooreenkoms met die leraar en orrelis nie voldoen aan die toepassing van die wet nie. Daar word aanbeveel dat gemeentes met die plaaslike kantoor in gesprek tree om te bepaal wat hulle standpunt is. Die veiligste is om die leraar en orrelis wel by die Kommissaris te verseker, aangesien wetgewing geensins 'n bepaling het wat hierdie kategorie werknemers uitsluit nie.

10. PREDIKANTE PENSIOENFONDS (PPF)

- 10.1 **Voordele en verpligtinge vanaf 1 Maart 2018:** 'n Aparte omsendbrief volg binnekort, sodra die 2019 risikovoorede gefinaliseer is. Sien ook <http://kaapkerkadmin.co.za/Kerkkantoor>
- 10.2 Die Sinode het reeds in 2011 besluit dat die 19,2% bydraevlak as die nuwe standaard vir pensioenbydraes by gemeentes/deelhebbers aanbeveel word. Alle kerkrade, wat dit nog nie gedoen het nie, word sterk aangemoedig om die 19,2% as die minimum bydrae vlak vir leraars se pensioen te aanvaar.

11. JEUGWERKERS EN AMPTENARE

11. Jeugwerkers en amptenare se vergoedingsriglyne word in afsonderlike skrywes hanteer. Hou die webwerf dop: <http://kaapkerkadmin.co.za/Kerkkantoor>

Vriendelike groete



Ds Bossie Minnaar
SAAKGELASTIGDE

NASKRIF: Skakel gerus met **Ingrid van Eck** om te help met die belastingberekeninge.

Kenny Raats is beskikbaar om te help met menslikehulpbronsake. Algemene navrae oor hierdie skrywe kan aan **Kenny Raats** of **Bossie Minnaar** gerig word. Almal is beskikbaar by die Sinodale Kantoor

Ingrid van Eck – Tel: 021 957 7107 – E-pos: ivaneck@kaapkerk.co.za (Belasting- en betaalstelsel-advies)

Kenny Raats – Tel: 021 957 7104 – E-pos: kraats@kaapkerk.co.za (Menslike Hulpbronne-advies)

Bossie Minnaar – Tel: 021 957 7104 – E-pos: bossie@kaapkerk.co.za (Saakgelastigde)